

Parlamento a vota contra

Otmar Oduber (PPA) ta urgi gobierno di Aruba tuma decision tocante edificio di KIA

E siman aki, parlamentar-
io y lider di fraccion PPA,
Otmar Oduber a comparti
un mocion cu el a entrega
den Parlamento na maart,
den cual ta urgi gobierno
di Aruba pa “pa denter di
un periodo di 6 luna tuma
un decision definitivo riba
un edificio y infrastru-
tura nobo pa KIA.”

Oduber a presenta e mocion
durante e reunion publico
no. 14 dia 28 di maart ultimo,
cu tabata trata e aprobacion di
presupuesto 2025 pa e minis-
terionan di gobierno.

Den e mocion, Oduber ta
detaya e cantidad di reto y
problema cu actualmente ta
afecta e Centro Coreccional
di Aruba, KIA.

“Segun diferente rapport
internacional, e estado di e
edificio di Korrektie Instituut
Aruba y e infrastruktura rela-
ciona cu utilidad, ICT, siste-
ma di seguridad y vigilancia
ta sumamente deplorabel,”
e mocion ta bisa, agregando
cu “e estado deplorabel di e
edificio en general no ta sal-
vanguardia ni promove calidad
di ambiente di trabou pa e
empleadonan ni e calidad di
e condicionnan di estadia pa
e detenidonan.”

Segun Oduber, den ambos
caso por conclui cu di ningun
manera e edificio en cuestion
ta cumpli cu e exigencianan
legal y otro reglanan, manera
di seguridad.

Tambe ta nota cu e estado de-



plorabel di e edificio en gen-
eral no ta duna espacio mas pa
mantene un sistema di regi-
men basico responsabel, cu ta
necesario pa separa gruponan
specifico di detenido (deteni-
do pa motibo di seguridad of
psicologicamente vulnerabel,
detenido sentencia of cu ain-
da nota sentencia) for di otro.

Segun Oduber a detaya, min-
isterio di Asuntonan Interno
y di Relacion den Reino Hu-
landes tin un suma disponi-
bel cu ta parti di e gastonan
total pa e trabou di renoba-
cion urgente di KIA. “Reno-
bacion di e edificio actual ta
sumamente urgente, pero e
decision denter di e prome
6 luna di 2025 pa un edificio

nobo ta inevitabel,” segun
Oduber.

Ademas, Oduber a nota cu
“no tin suficiente personal
den e unidad/seccion cu ta
percura pa mantencion chiki-
to di e edificio di KIA, cu tin
consecuencia cu e edificio y
infraestructura ta keda bira mas
deplorabel.” Tambe tin un es-
casez enorme y structural di
personal (entre 73% pa den
Dienst Gevangeniswezen
Aruba (DGWA) cu pa basta
año a sa di empeora te yega na
e extremo cu hasta e ta me-
nasa e seguridad di e personal
y di e detenidonan.

Oduber tambe a resalta e
falta di personal den KIA. El
a nota cu e cantidad di per-
sonal di DGWA y KIA ta leu
di cumpli cu normanan in-
ternacional y ta hopi menos
compara cu e situacion na
Curaçao y Boneiro, y e es-
casez enorme y structural di
personal di DGWA y KIA ta
pone un presion hopi halto
riba e personal cu tin cu per-
cura pa e operacion di KIA
diariamente, loke ta causa
cu nan tin cu traha overtime
constantemente pa vigila e
detenidonan y no ta keda
tempo pa duna atencion,
cuido y tratamento na e de-
tenidonan. E escasez enorme
y structural di e personal di
DGWA y KIA ta causa cu
e personal structuralmente
ta sobrecarga (“overbelast”) door di ta traha overtime y no
ta sosega suficientemente.
Consecuentemente, e ta cau-
sa cansancio fisico y mental,
aumento den “ziekmelding”
y deterioracion den e bida di
famia y e bida social. Ademas,
e escasez enorme y structural

di personal di DGWA y KIA
ta obstaculisa proyectonan
importante pa e detenidonan,
specialmente e hobennan, pa
nan proceso di reintegracion
y resocialisacion den e comu-
nidad. “Debi na e situacion
sumamente deplorabel di e
edificio y e escasez enorme
y structural di personal di
DGWA y KIA no ta traha
obhetivamente, structural-
mente ni efectivamente na
resocialisacion y reintegra-
cion di e detenidonan cu por
limita esnan cu sali for di KIA
bira recidivista,” segun e mo-
cion.

Basa riba tur e puntonan aki,
e mocion ta urgi gobierno di
Aruba “pa denter di un perio-
do di 6 luna tuma un decision
definitivo riba e edificio y
infraestructura nobo pa KIA y
percura pa e fondonan nec-
esario pa diseño di esaki.”

Tambe ta urgi gobierno pa
“den e presupuesto di 2025
aumenta e post di mantenc-
cion pa cubri e gastonan nec-
esario di renobacion cu ta ur-
gente y indispensable y otro
gastonan riba aparato electro-
nico di vigilancia.”

Otro punto cu ta urgi go-
bierno den e mocion ta “pa
ehecuta den colaboracion cu
instancianan relevante y pro-
gramanan pa resocialisacion y
reintegracion di detenidonan
bira realidad” y “pa ehecuta
programanan pa e deteni-
donan por ta activamente pa
por lo o menos 4 ora na ac-
tividadnan (lesnan di planta
mata, manejo di negoshi
chikito, etc) cu ta yuda nan
pa reintegra den sociedad,
pa ehecuta programanan pa
e detenidonan hoben por
haya structuralmente debido
atencion y cuido, segun nan
necesidad (op maat), for di
e profesionalnan specialisa
(psicologonan, psikiatra, y
pa ehecuta programanan pa
e detenidonan hoben tambe

por haya acceso na actividad-
nan (lesnan di planta mata,
manejo di negoshi chikito,
etc) cu ta yuda nan pa rein-
tegra den sociedad.”

Ademas, ta urgi pa “denter di
3 luna percura pa e “Lands-
verordening penitenciaire
beginselen” ABZOOS no.75
y e “Invoeringsverordening
Landsverordening peniten-
tiaire beginselen” AB 2016
no. 60 bay na vigor via un
“landsbesluit” y tambe pa e
comision stipula den capitulo
di dicho ley wordo forma y
e miembronan wordo nom-
bra; ff pa denter di 3 luna
desaroya un plan (plan van
aanpak) pa reforsa structur-
almente e personal di DGWA
y KIA (recluta), percura pa
inversion structural den e
personal (training y salud) pa
por cumpli cu normanan in-
ternacional.”

E mocion a conta cu sosten di
diferente parlamentario, cu a
firma riba esaki.

Parlamentarionan di AVP,
Marlon Sneek, Jennifer
Arends-Reyes, Carlos Ber-
mudez, Mike de Meza,
Sonaly Fernandez-Acosta,
John Hart, Clifford Heyliger,
Stephanie Sevinger y Otami
Thomasia a vota contra e mo-
cion.

Parlamentarionan di MEP,
Endy Croes, Xiomara Mad-
uro, Dangui Oduber, Hen-
drik Tevreden, Rocco Tjon,
Shailiny Trom-Lee, Edgard
Vrolijk y Evelyn Wever-
Croes a vota nulo.

Parlamentarionan di Futuro,
Gino Goeloe, Ruthlyn Lin-
dor y Muzanine Wever tambe
a vota contra.

E unico parlamentario cu a
vota na fabor, tabata Sr. Ot-
mar Oduber di PPA.

Asina e resultado tabata 12
voto contra, y un voto na fa-
vor, cu consecuencia cu no a
adopta e mocion.

STATEN VAN ARUBA STEMMING			
AGENDAPUNT: 1. Ontwerp landoverordening tot vaststelling van de begrotingen van de ministeries van het Land voor het district 2025 (Landsbegroting 2025) (IS/1073/23-24, d.d. 29 augustus 2024) (22/2023-2024-1018)			
VERGADERING NO: 14 D.D. 28 MAART 2025 (voortzetting)			
MOTIE NO 99-RAC-PPA			
		VOOR	TEGEN
1.	A.M. Sneek		✓
2.	J.J. Arends-Reyes		✓
3.	C.A. Bermudez		✓
4.	ing. M.E. de Meza		✓
5.	S.A.F. Fernandez-Acosta		✓
6.	J.P. Hart		✓
7.	C.E. Heyliger		✓
8.	S.D. Sevinger		✓
9.	O.S. Thomasia		✓
10.	E.J.H. Croes		
11.	mr. X.J. Maduro		
12.	D.P. Oduber, B.Ec.		
13.	H.W.G. Tevreden, B.Sc.		
14.	R.G.C. Tjon, MBA		
15.	S.M. Tromp-Lee, B.Ec.		
16.	mr. E.G.A. Vrolijk		
17.	mr. E.C. Wever-Croes		
18.	G.M. Goeloe		✓
19.	R.V. Lindor		✓
20.	M.S.F. Wever		✓
21.	O.E. Oduber, B.Sc.	✓	
UITSLAG STEMMING		VOOR: 1	TEGEN: 12
HOOFDELIJKE STEMMING: Met 1 stem voor en 12 stemmen tegen wordt motie geverwerpen.			

